

rationem præcessit; in Unigeniti autem generatione, nulla generantis præcessit voluntas, ubi sine initio naturali (*al. naturalis*) permanet æterna nativitas. Sicut ergo geniti sumus, sed non sicut unigenitus Deus; et filii Dei sumus, sed non sicut unicus et verus Filius; et dii sumus, sed non sicut Verbum, qui verus est Deus: ita in Deo sumus, et apud Deum sumus, sed non sicut apud Deum est et in Deo est Verbum Deus, qui de Deo naturaliter natus est: quamvis enim ille Filius dicatur et nos filii dicamur, et ille Deus et nos dii, et ille genitus et nos geniti, multum tamen distat in re quod unum sonare videatur in nomine, quoniam ille, quod Deus, quod Filius, quod Unigenitus est, naturaliter est, quia de natura Patris natus est; nos autem, quod dii, quod filii, quod geniti sumus, non natura, sed gratia sumus, quia cum in natura non haberemus ut hoc esse possemus, gratis nobis datum est ut hoc facti essemus. Hanc discretionem si hæretici, misericorditer Deo donante, **51** percipient, lumen verum videbunt et

A ab unigeniti Filii contumeliis temperabunt: cui non solum in eo quod apud Deum est detrahunt, sed etiam et animam humanam in illo negare contendunt. Quos ipse Filius Dei uno psalmi versiculo designavit, dicens: *Hoc opus eorum qui detrahunt mihi apud Deum, et qui loquuntur mala adversus animam meam* (*Psal. cxviii*, 20). Quis enim deterius Christo apud Deum detrahit quam qui audiens Verbum Deum apud Deum esse, dicit idem Verbum in Deo non esse? Aut quis amplius mala adversus Christi animam loquitur, quam qui in Christo humanam animam difficitur? cum illud Verbum, quod Deus est, sic apud Deum sit, de quo est, ut per unitatem naturæ in Deo sit, et per eamdem unitatem naturæ unus cum illo Deus sit, et illa anima simul cum carne suscepta fuerit ab unigenito Deo, ut simul in Christo et anima nostra salvaretur et caro. A quo procul dubio ille semipaternam consequetur salutem, qui in eo divinæ humanaeque naturæ plenam cognoverit veritatem.

S. FULGENTII CONTRA ARIANOS LIBR UNUS,

AD DECIM OBJECTIONES DECIM RESPONSIONES CONTINENS.

Dictum est Patrem de seipso, hoc est de hoc quod ipse est, ineffabiliter Filium gentisse. Adauctum est quod non extrinsecus, sed ex Deo natum esse. Hæc responsione non indigent, quia fidei nostræ concordant.

Objectio prima. Quid ad hoc dicitur. Si ex Deo natus est, est de intra Deum, sed si non est de intra, nec ex ipso est; si modo vocabula diversa ponuntur, quid prodest, si ipsa veritas non profiteatur?

Responsio. Evidem dum nominantur Pater et Filius, in his duobus nominibus vocabulorum diversitas agnoscitur; quin potius per hæc duo diversa vocabula significatur una utriusque natura: quoniam istorum nominum diversitas non naturas dividit, sed veritatem generationis ostendit, ut ex uno vero Patre unum verum agnoscamus Filium exstisset; ac sic, dum vera Patris generatio et vera Filii nativitas prædicatur, in uno genitore **52** et uno genito non solum unitas substantiae, verum etiam in uno quoque proprietas possit agnosci personæ, ne aut ipse putetur natus esse qui genuit, aut aliud putetur esse qui natus est quam est ille qui genuit. Non enim ipse est Pater qui Filius, quoniam in utroque personarum proprietas reservatur. Sed quod Pater est, hoc est et Filius, quia de Deo Deus, de perfecto perfectus, de immenso immensus, de omnipotente omnipotens, de æterno Patre natus est Filius coæternus, eadem veritate dicente: *Omnia quæ habet Pater, mea sunt* (*Ioan. xvii*, 10). Pater ergo et filius relativa sunt nomina, quæ naturam gignentis genitique non separant, sed unam sine dubitatione

significant. Relativum vero illud dicimus, quod ad alium agnoscendum referimus, ut dum unum nominamus, alium demonstremus: sicut inter homines hæc relativa sæpius nominantur pater et filius, filius et pater, sacer et gener, gener et sacer; nam ideo pater dicitur, ut filium genuisse noscatur, et filius ideo dicitur, ut de patre genitus demonstretur. Nec in hac diversitate nominum invenitur diversitas naturarum, quoniam uterque similiter homo dicitur, quamvis unus pater et alius filius nuncupetur. Non ergo patris et filii posset una cognosci natura, si hæc non essent diversa vocabula, quoniam si ambo vocarentur patres, essent profecto natura dissimiles: unusquisque enim ex semetipso constaret et communem substantiam cum altero non haberet, nec deitas una esset, quibus una natura non esset; consequens autem fuit ut duo patres duos filios gignerent, quoniam nisi vera de singulis proles existaret, paterni nominis in nullo veritas appareret. Jam vero in duobus filiis de diversis patribus natis, licet posset non esse diversitas relativi nominis, attendatur, si posset esse natura communis. Quis non videat, in utroque filii nomen unum esse, sed utriusque naturam unam non esse? Magis autem unumquemque filium non cum altero filio, cum quo unum relationis habuit nomen, sed cum patre, de quo extiterat, naturam habere communem. Sed quid ulterius de duobus patribus, duobusque filiis disputetur? cum istius assertionis veritas personarum diversitate non egeat, sed ad documentum sui facilius possit unius hominis consideratione fulciri, qua cognoscatur, relativa nomina diversitate sui non naturarum diversi-

tatem ostendere, sed ad personarum significationem maxime pertinere, ut scilicet dum unus ostenditur, alterius quoque persona noscatur; illud autem nomen patri semper esse filioque commune, non quo relatio personalis ostenditur, sed quo substantialis proprietas demonstratur: nempe Seth de Adam pater natus, et de non genito genitus, Adam patris dictus est filius? Iste ergo donec ad virilem perveniret ætatem, ut filium gigneret, pater dici non potuit; et priusquam generaret, filius tantum fuit: quando autem genuit, etiam pater esse jam coepit. Accedente igitur diversitate paterni nominis, nulla in eo facta est diversitas naturalis; et cum unus homo haec duo coepisset habere vocabula, non est in eo mutata, aut divisa, vel duplicita natura: fuit enim filius, quia de patre exstitit; fuit pater, quia filium genuit; nec tamen ita naturam filii, in qua natus est, habuit, ut in ea permanens pater esse non posset; nec aliam cum nomine patris essentiam acquisivit, ut filii substantiam, in qua natus fuerat, perdidisset; sed quod verum est, sicut homo fuit, quando filius exstitit nascendo, sic permansit homo, quando pater factus est generando; **53** nec aliud fuit quam homo, quod erat Adam, de quo ipso est natus, et quod erat Enos, qui de ipso est genitus. In Patre ergo Deo et Filio Deo, personarum proprietate servata impossibile non dicatur, quod documento etiam cuiuslibet hominis comprobatur, sed discernamus quid ad relationem, quid ad substantiam pertinere noscatur. Relationis enim sunt nomina, Pater et Filius; substantiae vero nomen unum est, quod dicitur Deus. Relationis ergo nomina singula retinent; substantiae vero nomen unum communiter possident, quia licet unus dicatur Pater, et alter Filius, sic tamen est Filius Deus, sicut Pater est Deus: illis namque duobus nominibus generatio vera cognoscitur, isto autem uno communi nomine substantialis unitas demonstratur.

Obiectio 2. Ista nunquam nos legisse recolimus, quæ superius proposita sunt, quia scriptum est de eo: *Generationem ejus quis enarrabit (Isai. LIII)?* Et quam (al. quasi) nemo, dixit Scriptura, qui enarrat? Advertendi sunt hi homines, ut dicant se posse nosse, quia inenarrabilis est generatio ejus, non autem ignorabilis.

Responsio. Scriptum est: *Credidi propter quod locutus sum: et nos credimus, propter quod loquimur (II Cor. iv, 13),* et fiducialiter profitemur, quia Filii generatio inenarrabilis est, ignorabilis non est; neque enim consequens est ut quod non potest enarrari non possit sciri, cum ipsum Deum nullus valeat enarrare, nec impune tamen alicui liceat ignorare. Intantum vero cognoscibilis Deus est, cum sit inenarrabilis, ut quosdam ob hoc inexcusabiles pronuntiet beatus Apostolus, quia *cum cognovissent Deum, non sicut Deum glorificaverunt aut gratias egerrunt (Rom. i, 21).* Nam si a nobis Dominus nollet agnosciri, non dixisset: *Si cognovissetis me, et Patrem meum utique cognovissetis (Joan. xiv, 17).* Nec Philippum dicentem: *Domine, ostende nobis Patrem, et sufficit nobis;* hac increpatione corriperet, dicens:

A *Tanto tempore vobiscum sum, et non cognovistis me: Philippe, qui me vidit, vidi et Patrem; hoc enim verbo Dominus voluit demonstrare totum in se inventiri quod quarebatur; nec enim fieri potest ut sempiterno et immenso Patre minus aliquid Filius habeat, in quo corporaliter omnis plenitudo divinitatis inhabitat (Coloss. ii, 9).* Non est ergo ignorabilis Deus, cum sit inenarrabilis; sed a fidelibus cognoscitur, ut ametur, quamvis nec humanis linguis, nec angelicis, enarretur. Nam ignorantem Dei non aliud esse quam dæmonum servitatem Paulus demonstrat apostolus, dicens: *Sed tunc quidem ignorantibus Deum his qui natura non sunt dii, serviebantis (Gal. iv, 9).* Sicut ergo Christi divinitatem ignorare non debemus, licet enarrare nou possimus, ita nativitatis ejus quamvis nulli suppetat enarratio, non est tamen fidelibus adempta cognitionis. Quis enim natum predicet, cuius nativitatem ignoraret? Quis Filium dicat, et genitum nesciat? Quis Patrem valeat credere quem non consideret genuisse? Genuit vere Pater, et vere natus est Filius. Veram ergo Filii nativitatem datum nobis est agnoscere, licet datum non sit qualiter natus fuerit enarrare. Quoniam et propheta non dixit: *Generationem autem ejus quis agnoscit, sed quis enarravit (Isai. LIII, 8)*? Quocirca divinam generationem, quantum homini fas est, in eo digne cognoscimus, cum et veram generationem dicimus, et ipsam generationem, quæ vera est, inenarrabilem prædicamus. Filius ergo vere de Patris substantia natus agnoscitur, dum nativitas **54** ejus, quæ de inenarrabili Deo est, inenarrabilis prædicatur: inenarrabilis enim procul dubio est Filii nativitas vera, quia una est illi cum inenarrabili genitore substantia.

Objectio 3. Generationem ejus ita est recle profitari, ut dicit ipse Dominus per Scripturas: *Dominus creavit me initium viarum suarum, ante sæcula fundavit me (Prov. VIII, 22).* Et sequitur: *Et ante omnes colles genuit me.* Et iterum: *Ego a Patre prodii et veni in hunc mundum (Joan. XVI, 29).* Et iterum: *Dominus dixit ad me, Filius meus es tu, ego hodie genui te (Psal. II, 7).* Et postquam cognitus est in carne, profitetur de eo evangelista dicens: *Et vidi mus gloriam ejus, gloriam tanquam Unigeniti a Patre plenum gratia et veritate (Joan. I, 14).* Et Apostolus ait: *Qui est Primo genitus totius creature (Coloss. I, 15).* Ecce creatum, fundatum et genitum profitemur, sine aliqua ambiguitate irrationabili.

Responsio. In utraque Christi nativitate non fallitur, qui in Christo Dei, et hominis Filio, et plenam ex Patre divinitatem, et plenum ex matre hominem profitetur: atque ita in illo utramque substantiam veram esse cognoscit, dum quid æternitati, vel quid temporalitati congruat, fideli pietate distinxerit. Neque enim ignorare debemus, ipsum in sæculo, secundum carnem creatum ex homine, qui sine initio secundum divinitatem creator, est generatus ex Patre: in illa namque nativitate, quæ initium non habet, sempiternæ divinitatis majestas agnoscitur; in hac vero sempiternæ divinitatis pietas invenitur: qui enim non creatus, sed creator de creatore pro-

genitus, bonitate sua creaverat hominem, ipse postmodum est pietate sua creatus ex homine. Nec suum opus ipse dignatus est fieri, quo posset per eum status sui operis reparari. Hujus igitur creationis volens sapientia prænuntiare mysterium, ut Incarnationis suæ futurum ostenderet sacramentum, propheticō more, quo solent sub enuntiatione præteriti temporis futura narrari, dixit: *Dominus creavit me initium viarum suarum in opera sua* (*Prov. viii, 22*). Causam creationis ostendit dum se initium viarum Dei, in opera ejus creatum esse non tacuit: nam ut ostenderet, non illius æternæ nativitatis esse, quod creata dicitur, sed hujus temporis, quo carnem suscepisse Dei Filius invenitur, quid premiserit attendatur: *Si nuntiarero (inquit) vobis, quæ quotidie sunt; commemorabo, quæ a sæculo sunt, enuntiare* (*Ibid. 21*). Ergo cum quotidie ista fierent, a sæculo facta premoneret nuntiari, ostendit quæ dictura est nobis, non æternitatis esse, sed temporis. Ob hoc statim addidit: *Dominus creavit me initium viarum suarum in opera sua*. Quod ergo sapientia creata est, non ante sæcula, sed a sæculo est; quod autem initium viarum Domini creatus est Filius, quid aliud est nisi quod ipse via nobis est factus, ut eo duce atque rectore per adoptionis quam accepimus gratiam divino munere ad virtutum nobis profectum patere ingressus? Quod ut evidenter appareat, debemus attendere ad hoc Filium creaturæ initium factum, non ut novam rursus creaturam conderet, sed ut vetustate (*al. vetustatem; al. vetustam*) jam pridem perditam renovaret. Invenitur enim apostolos quoque hujus fecisse creationis initium, quorum officio reparavit quod fuerat ante collapsum, beato Jacobo dicente de Deo Patre: *Voluntarie genuit nos Verbo veritatis, ut simus initium aliquod creaturæ ejus* (*Jacob. i, 18*). Evidenter igitur demonstratur indicis, hoc 55 loco creationem, non ad conditionem omnium creaturarum, sed ad reparationem hominum referendam: sicut et David sanctus oravit, dum gemini fuisse criminis recordatione perterritus, non solum temerari connubii, sed mariti etiam insontis occisi. Dum igitur tanti facinoris nævuni lacrymarum flumine meditaretur abluere, hoc inter gemitus, quos testes habuit doloris, effudit: *Cor mundum crea in me, Deus, et spiritum rectum innova in visceribus meis* (*Psal. l, 12*). Hoc esse significans cor mundum in se creari, quod erat spiritum rectum in ejus visceribus innovari. Ad hoc ergo Christus voluit creari, et hujus creationis apostolos suos initium fleri, ut per eum posset homo, qui vetustate perierat, innovari. Ante sæculum autem sapientia fundatam se dixit, ut nativitatem suam, qua de Patre nata est, immutabilem demonstraret: quod enim fundatum dicitur, nulla ratione convellitur, quod autem non convellitur, non mutatur. Ut autem nativitas divinitatis ejus sine initio cognoscatur, debet attempdi quod sequitur: *Priusquam terram faceret, priusquam abyssos constitueret, priusquam procederent fontes aquarum, priusquam montes stabilirentur, ante omnes autem colles genuit me* (*Prov. viii, 23-26*.) Istud ante, cum dicitur, omne prorsus

A. initium prævenitur. Quod considerandum est, quia ubique illa divina et æterna demonstratur Filii nativitas, non dicitur quando natus sit, sed ante semper ponitur, ut quidquid homo infinitatis æternitatisque cogitare voluerit, ante omne quod cogitatione concipitur, Filii semper nativitas cogitetur: ac sic, nativitas Filii Dei sine initio cognoscatur, in qua non aliud quam ante positum jugiter invenitur. Vellemus autem nobis responderi, utrum hoc sit genitum, quod creatum? quod si unum putatur utrumque, dicatur ergo a Deo genitus mundus, a quo generari non potest, et creatus. Dicantur etiam increduli homines filii Dei, qui de potestate tenebrarum non fuerint liberati: dicantur heredes futura beatitudinis, qui fidem non recipiunt Salvatoris. Si autem, B quod verum est, aliud est creari, aliud generari, discernatur, in qua Christus substantia creatus a Deo dicatur, et in qua ex Patre genitus prædicetur: nam et ipse Scripturæ locus perfacile querentibus monstrat, in qua creatus natura dicendus est Christus. In ea scilicet in qua Dominum nominat, ut veritatem in se formæ servilis ostendat, sicut et in psalmo loquitur, dicens: *O Domine, ego servus tuus; ego servus tuus et filius ancillæ tuæ* (*Psal. cxv, 16*). Ex ancilla ergo natus est servus, qui ex Patre generatus est Dominus. Propter formam igitur servi dixit: *Dominus creavit me*, non se a Patre dicit creatum, sed a Domino. Nam ubi secundum divinitatem genitus dicitur, Pater continuo nominatur, sicut vere ipse dixit: *Ego a Patre prodii, et veni* (*Joan. viii, 42*); et B. evangelista de eo: *Et vidimus gloriam ejus, gloriam quasi Unigeniti a Patre* (*Joan. i, 14*). Vides, quia non dixit hic, a Domino, sed a Patre. Quod autem eum *Primogenitum totius creaturæ* (*Coloss. i, 15*) dicit Apostolus, creatura utique intelligitur reparata, non condita: creatura filiorum Dei, qua ex servis ejus facti sunt fratres ejus qui nos, secundum Apostoli dictum, non confunditur fratres vocare, dicens: *Narrabo nomen tuum fratribus meis, in medio Ecclesiæ laudabo te. Et iterum: Ego ero fidens in eum. Et iterum: Ecce ego et pueri, quos mihi dedit Deus: quoniam ergo et pueri communicarerunt sanguini et carni, similiter et ipse participavit iisdem; ut per mortem destrueret eum qui habebat mortis imperium*, 56 id est diabolum; ut liberaret eos qui timore mortis per totam vitam obnoxii erant servituti. Nusquam enim angelos apprehendit, sed semen Abrahæ apprehendit. Unde debuit per omnia fratribus assimilari, ut misericors fieret, et fidelis pontifex ad Deum, ut repropiciaret delicta populi. In eo enim, quod passus est ipse et tentatus, potens est his qui tentantur auxiliari (*Hebr. ii, 14-18*). Audimus Christum habentem fratres, audimus semen Abrahæ; audimus per mortem eum qui habebat mortis imperium destruentem; audimus tentatum; audimus passum, et dubitamus Christum Primogenitum totius creaturæ secundum Incarnationis profiteri mysterium? Cum denuo beatus Apostolus, in quo eum Primogenitum debemus accipere testimonio suæ predicationis ostendat: *Scimus, inquiens, quoniam diligentibus Deum omnia cooperantur in bonum, his qui*

secundum propositum vocati sunt sancti. Nam quos præcivit et prædestinavit conformes fieri imaginis Filii ejus, ut sit ipse Primogenitus in multis fratribus (*Rom. viii, 28, 29*). Qui ergo secundum deitatem semper Unigenitus fuit sine fratribus, factus est secundum hominem Primogenitus in multis fratribus. Quod evidentius illo rursus Apostoli testimonio perdoctetur: ubi *Primogenitus ex mortuis nominatur* (*Coloss. i, 18*). Quid enim est Primogenitus ex mortuis, nisi primus ex peccatoribus hominibus homo Christus Jesus in Dei Filium exaltatus? Natus autem est, non sic ex peccatoribus peccator, sicut ex hominibus homo, sed natus est homo, susceptus a Deo sine ullo peccato, ut peccatoras homines reconciliaret Deo, liberatos ab omni peccato. Talem quippe hominem oportuit a Deo suscipi, per quem possent homines Deo gratuita justificatione conjungi. *Primagenitus igitur est totius creaturae* (*Coloss. i, 15*), illius profecto de qua beatum apostolum Jacobum audivimus paulo ante dixisse: *Voluntarie genuit nos verbo veritatis, ut simus initium aliquid creaturae ejus* (*Jac. i, 18*). De hac creatura dicit etiam Paulus apostolus: *Si qua ergo in Christo nova creatura* (*II Cor. v, 17*). De qua etiam David predixerat: *Emitte Spiritum tuum et creabuntur, et renovabis faciem terrae* (*Psal. cui, 30*). Alioquin, si secundum divinam nativitatem Christus Primogenitus creaturae totius accipitur, quibus testimoniis ante omnem creaturam Primogenitus ex mortuis ostenditur? cum dici non possent mortui, qui nequum fuerant vel creati. Unigenitum ergo Christum cognoscimus ex Patre, Primogenitum profiteamur (*al. profitemur*) ex virginie: in illa quippe nativitate vere est Unigenitus, in qua sine initio de solo Deo solus natus est Deus: in hac autem nativitate *Primogenitus est totius creaturae* (*Coloss. i, 16*), id est eorum quos in fratres sibi per fidem dignatus est adoptare. *Quotquot autem receperunt eum, dedit eis potestatem filios Dei fieri, his qui credunt in nomine ejus* (*Joan. i, 12*). Hæc generatio in secundo quoque psalmo cognoscitur prædicata, ubi Christus ex persona suscepti hominis dicit: *Dominus dixit ad me, Filius meus es tu, ego hodie genui te* (*Psal. ii, 7*). Quod ut secundum Incarnationis futuræ mysterium, dictum esse monstraret, adjunxit: *Postula a me, et dabo tibi gentes hereditatem tuam et possessionem tuam terminos terræ*. Quomodo enim secundum formam Dei terminos terræ possidendos peteret, cum regnum eorum, quod *majus est*, suis fidelibus promittat et donet? Ille ergo qui permanens in forma Dei pro salute servorum factus est servus, secundum servilem formam, ut aciperet gentes hereditatem et possessionem, terres terminos postulavit, qui secundum divinam naturam sicut universa, quæ in **57** celo sunt et in terra, visibilia et invisibilia cum Patre fecit, ita cum Patre semper universa possedit. Hanc generationem quam psalmus secundus insinuat ad Incarnationis mysterium pertinere, liber Actuum apostolorum. Paulo in synagoga loquente, testatur; cuius vox ad Iudeos hujuscemodi reperitur: *Et nos vobis annuntiamus eam quæ ad patres nostros repromisso*

Afacta est, quoniam hanc Deus adimplevit filii nostris, resuscitans Jesum; sicut et in psalmo secundo scriptum est: *Filius meus es tu, ego hodie genui te* (*Act. xiii, 32*). Hoc igitur quod psalmus dixit, secundum id Apostolus ostendit ad Filium dictum, secundum quod a mortuis prædicat suscitatum. Attendatur ergo quæ a mortuis in Christo natura surrexit, et intelligetur secundum quid Christus hodie genitus terminos terræ possidendos accepit. Agnoscat itaque in Christo proprietas utriusque naturæ, ut siue errore possit intelligi, et creatus, et fundatus, et genius: genitus quippe est et fundatus secundum quod de Domino inenarrabiliter natus est Dominus; creatus autem secundum humanam generationem qua de ancilla natus est servus, ut quem ante omnia solum Pater genuit ex natura, pro nostra salute generaret ex gratia. Quocirca ultraquam debemus in Christo Dominino naturam agnoscere, ut nec adversus creatorem videamur superbi, nec beneficii nostri Salvatoris existamus (*al. existimemur*) ingratii, ne apud Salvatorem ipse sibi deneget quam querit salutem, qui Creatoris de Deo Patre veram denegat deitatem.

Obiectio 4. Sed qui presumunt irrationabiliter dicere de Patris substantia natum esse Filium, docent per Scripturas tamen quomodo non sit erroris falsa professio, qui cum dicit inenarrabilem esse generationem ejus, asserat eum de Patris esse natum substantia.

Responsio. Assertionis defectus agnoscat, quando quis ita fidei alterius destruere ntitur regulam, ut credulitas suæ firmam nolit proferre sententiam. Nos idcirco Filium Dei de Patris substantia natum, hoc est, de eo quod Pater est, credimus et fatemur. Quoniam quidquid substantia Dei non est, non possumus ut Deum vel adorare, vel colere, præceptum legis sollicitius observantes quo dicitur: *Aucti, Israel, Dominus Deus tuus Dominus unus est*. Et, *Dominum Deum tuum adorabis, et illi soli servies* (*Deut. vi, 4, 13*). Quem Deum, non Patrem solum credimus, sed Patrem, et Filium, et Spiritum sanctum. Fides enim nostra, qua upum Deum colimus, et timemus, nec unione personali contrahitur, nec substantiali diversitate disjungitur: ne aut deos gentiliter colamus diversas colendo substancialias, aut Filium et Spiritum cum Sabellio denegemus, non servantes in Trinitate personas. Hujus fidei rectam credulitatem, non solum propheta, sed et apostolica nobis insinuat in veritate doctrina. Nam Isaïæ (*al. Isaías*), cum Dei visione dignus esficitur, hujus fidei credulitas intimatur, duobus seraphin tertio clamantibus: *Sanctus, sanctus, sanctus* (*Isai. vi, 3*); et semel inferentibus: *Dominus Deus Sabaoth*. Quid est quod tertio *Sanctus* dicitur, si non trina est in Divinitate persona? Cur semel *Dominius Deus* dicitur, si non una est in Divinitate substantia? Dominus quoque per Moysem volens benedicere populum, hoc benedicendum tenore mandavit: *Sic (inquiens) benedices populum meum, et ego benedicam eos. Benedicat te Dominus, et custodiat te; illuminet **58** Dominus faciem suam super te, et misereatur tui. Aurollat Dominus faciem suam super*

te, et dedit tibi pacem (Num. vi, 25-26). Ter *Dominus* dicitur, et unus semper *Dominus* nominatur, ut in Trinitate, quae verus est Deus, nec confundatur proprietas personarum, nec substantialis unitas denegetur. David quoque Deo per omnia placitus, sub hac credulitate populo fideli divinæ benedictionis gratiam his verbis exoptat infundi: *Benedicat nos Deus, Deus noster, benedicat nos Deus, et meuant eum omnes fines terræ* (Psal. lxvi, 8). Cui sententia beatus concordat Apostolus, qui cum quodam loco dixisset: *Unus Deus Pater, ex quo omnia, et nos in ipso; et unus Dominus Jesus Christus, per quem omnia, et nos per ipsum* (I Cor. viii, 6), de Spiritu sancto quoque dicens: *Nolite contristare Spiritum sanctum Dei, in quo signati estis in diem redemptionis* (Ephes. iv, 30). Cum se dixisse meminisset ex Patre ^a per Filium in Spiritu sancto, ut hanc Trinitatem unum Deum esse monstraret, alio loco ait: *Quoniam ex ipso, et per ipsum, et in ipso sunt omnia*. Et quod singulariter insutum: *Ipsi gloria in sæcula sæculorum* (Rom. xi, 36). Ex substantia Patris natum Filium, et fides Christiana recte predicit, et sancta Scriptura commemorat. Paulus apostolus de Filio Dei dicit, *Qui cum sit splendor gloriae, et figura substantiae ejus* (Hebr. i, 3). Dominus denuo dicit ad Jeremiam: *Super montes accipe planctum, et homines non audierunt vocem substantiae meæ, a volatilibus cœli usque ad pecora* (Jerem. ix, 10). Filium autem Patris esse substantiam, Sapientia liber evidenter ostendit, dicens: *Esca angelorum nutrissit populum tuum, præparatum panem de cœlo præstisti sis, sine labore, omne delectamentum in se habentem, et omnem suavitatem saporem: substantiam enim tuam et dulcedinem tuam, quam in filios habes, ostenderas* (Sap. xvi, 20, 21). Panem de cœlo datum substantiam et dulcedinem Dei esse Scriptura testatur: panem vero de cœlo datum Filium Dei esse, ipsius Filii verbis ostenditur, qui ait: *Ego sum panis viri, qui de cœlo descendit* (Joan. vi, 41). De quo David ait: *Panem angelorum manducavit homo* (Psal. lxxvii, 25). Ecce de substantia Patris exsultasse Filium, non solum rationabiliter credimus, verum etiam testimoniis approbamus, Scriptura dicente: *Qui diligit genitorem, dilit eum qui natus est ex eo* (I Joan. v, 4); quoniam fides vera quod credit, non nescit, etiam si nondum potest videre quod sperat et credit. Hi vero qui Filium de Patris substantia natum denegant, debent utique dicere, unde arbitrentur Dei Filium exstitisse: utrum de nihilo, an ex aliquo? Si de nihilo existit, creatura dicendum est, non creator. Si autem de aliquo dicatur, sic etiam id ipsum Deus fecit, unde Filium genuit. An forte coæternum dicitur aliiquid habuisse unde posset Filium generare? Si coæternum aliiquid æstimatur unde genitus Filius creditur, Manichæorum error hac assertione firmatur. Si autem non sicut aliiquid unde generaretur Filius, nec tamen de substantia Patris dicitur natus, hoc superest, ut evidenter ex nihilo Dei Filium exstitisse fateantur qui eum in divinitate minorem prædicare contendunt.

^a Abest per a ms. Corb.

^b *Et super semitas deseriti luctum, quia defecerunt ex*

A Sed forsitan dicitur ex voluntate Patris natum esse Filium: dicatur ergo utrum ex se an aliunde Pater Filium genuit? Si enim ex se ipso genuit, non potuit voluntas ^c 59 generationem præcedere, quia nefas est credere in Deum aliquid quod non semper fuit noviter accidisse. Unde cognoscitur quoniam Deus omnem quidem creaturam de nihilo condidit voluntate sua, Filium vero substantia genuit vel natura. Si autem aliunde Filius dicitur natus, aut ex nihilo ejus origo asseritur, aut (sicut superius dictum est) excepto Deo, semper aliiquid fuisse contra regulam veræ fidei predicatorum. Beatus quippe Apostolus sciens Filium ex Patris essentia verum Deum genitum, et ob hoc cum Patre unum Dominum Deum, nec immemor præcepti dominici, quo prohibemur duabus dominis servire, Domino Christo sicut vero Deo præcepit serviendum, quem æqualiter cum Patre noverat honorandum, ipso Domino dicente: *Ut omnes honorificant Filium, sicut honorificant Patrem* (Joan. v, 23). Quem verum Deum Joannes apostolus, ipso in se Domino loquente, testatur dicens: *Ut simus in vero Filio ejus Iesu Christo; Hc est verus Deus et vita æterna* (I Joan. v, 20). Quocirca veræ fideliter tenenda est regula, qua Dei Filius de Patris substantia, hoc est, de eo quod ipse est, ineffabiliter sine initio natus creditur, et verus Deus cum Patre colitur, et tenetur (*al. timetur*). Quia nec Christianis licitum est, ei qui natura non est Deus, sicut vero Deo servire; nec cuiquam fas est, Christo unigenito Dei Filio, non sicut vero Deo servire. Nam eum qui servit Christo, placere Deo beatus Paulus, qui *dicit* (*al. his*), *qui natura non sunt dei*, serviendum interdixerat, evidentissime manifestat, dicens: *Non est Dei regnum esca, et potus, sed justitia et pax, et gaudium in Spiritu sancto: Qui enim in hoc servit Christo, placet Deo* (Rom. xiv, 17). Quocirca cognoscentes Christum verum Deum esse, non audeamus eum ab æqualitate paternæ substantiae separare: verus enim Deus est qui natura Deus est; natura autem Deus est qui deitatem ex æternitate veræ nativitatis habuit, non ex ^c gratia donationis possedit. Quod enim nascitur, connexum est genere; quod vero adoptatur, sola provehitur largitate.

B *Objection 5. Perturbationes mentium, quæ sine ratione dicuntur, cum hortantur adverti, veritas non videtur ab eis comprehendi, nec profiteri; ob hoc quod absurdum sit dicere vel credere Patrem et Filium ingenitos esse. Qui sibi suadet ista excogitare, ipse se vult fraude decipere, quæ quidem exigit illis hoc dici qui Patrem et Filium æquales asserunt esse.*

C *Responsio. Perturbant quidem mentes, autignavas, aut inscas, qui voluerint Patrem et Filium ingenitos dicere; sed non hoc faciunt qui cognoscuntur æquales Patrem et Filium prædicare. In duobus enim ingenitis diversa Divinitas invenitur. In uno autem genito (*al. unigenito*), ex uno ingenito, naturalis unitas demonstratur. Duo quippe ingeniti non possunt unam habere naturam, ubi nec unus in uno veram ex se eo quod non sunt. Hæc verba adduntur in ms. Corb.*

^c Ms. Corb., ex gratiæ donatione.

generationem inventit, nec unus ex uno vere in se substantiam nativitatis agnoscit. Nos autem Patrem et Filium, nec duos ingenuitos dicimus, nec duos genitos appellamus, nec personaliter confundimus, nec substantialiter separamus. Et ideo æquales sine ambiguitate dicimus, quia diversos a se nullatenus invenimus: unus unum genuit, unus de uno natus **60** est. Et quia de incommutabili Patre incommutabilis Filius existit, et Pater æternus et perfectus coæternum perfectumque Filium genuit, propterea Filius veram quam habet ex vero Patre substantiam, nec minorem habere potuit, nec diversam. Contumelia est quippe divinæ naturæ, si Pater Filium generans non potuit esse in Filio quantus permanet in seipso, et genitori (quod nefas est) potentia naturalis adimitur, si Filio paternæ substantiæ æqualitas abnegetur, cum hanc apostolica doctrina non taceat, evangelista Joanne dicente: *Propterea volebant eum Iudei interficere, quia non solum solvebat sabbatum, sed et Patrem suum dicebat Deum, æqualem se faciens Deo* (Joan. v, 18). Quam æqualitatem non malevola Judeorum adversitas (sicut quibusdam videtur) objecit, sed evangelistæ veridica prorsus auctoritas declaravit. Qui sicut vere dixit Jesum solvisse sabbatum, vere etiam Patrem suum dixisse Deum, ita vere dixit per professionem paterni nominis æqualem se fecisse divinitati et omnipotentiae genitoris. Hanc æqualitatem in se ipse verus Filius prædicens et demonstrans ait: *Ego et Pater unus sumus* (Joan. x, 30). Et alio loco, *Omnia quæ Pater facit, eadem et Filius facit similiter* (Joan. v, 19). Idem ipse dicit: *Pater, clarifica Filium tuum, ut et Filius clarificet te* (Joan. xvii, 1). Et alio loco: *Ut omnes honorificant Filium, sicut honorificant Patrem* (Joan. v, 23). Et alia multa, quæ prolixitatem vitantes omisimus. **A**Æqualem se itaque Deo per professionem paterni nominis facere, unum cum Patre esse, *omnia quæ Pater facit, eadem similiter facere, clarificatus, et ipse clarificare, æqualitatem sibi paterni honoris exigere*, sicut minori non competit, sic æqualem, remoto scrupulo dubitationis, ostendunt.

Objectio 6. Interea dum de lumine dicitur, non intelligunt quod scriptum est, quia aliis est Pater luminis, et aliis est qui lumen est appellatus, et lucet in tenebris, et tenebrae eum non comprehendenterunt. Idcirco debet adverti quid lex mandat vel instruit D mentes hominum, quia inter illum auctorem luminis et istud lumen in tenebris lucens, quod illuminat omnem hominem venientem in hunc mundum, per quod vita factus est Filius, et lux est ostensus hominum, illo quod ostenditur factus, non est Pater, et æqualis esse non potest.

Responsio. Hoc semper Patris et Filii demonstrat æqualitas, ut quidquid fuerit derogationis vel honorificentia simul sit utriusque commune. Quo sit ut, dum contra fidei normam Filius a Patris æqualitate discernitur, magis Patri quam Filio detrahatur. Quod hujus loci manifestius demonstrat assertio, qua dum

B A Filius solus lumen appellari creditur, ipsi Patri, qui lumen genuit, nomen luminis abnegatur. Qui autem non substantialiter possidet nomen luminis, non potest habere substantialiter vocabulum Deitatis. Beatus quippe Joannes apostolus dicit: *Quoniam Deus lux est* (I Joan. i, 5). Si ergo qui Deus est lux est, qui lux non est Deus non est; quare lumen ex lumine credendum est Filius, quia de Deo natus est Ducus, ne dum Filius lumen dicitur; Deus Pater intolerabiliter blasphemetur. Ac ne putemus Patrem conjectura magis quam veritate lucem dicere, necesse habemus hoc quoque testimoniis approbare. In sanctis eloquiis de Sapientia dicitur: *Omnium mobilitantum (al. omnibus mobilibus, vel omnium mobilitatum) mobilior est Sapientia: attingit autem ubique propter suam munditiam; raper est* **61** autem virtutis Dei, et manatio quedam ^a claritatis omnipotentis Dei sincera. Et ideo nihil inquinamenti in illam incurrit, candor est enim lucis æternæ, et speculum sine macula Dei majestatis, et imago bonitatis illius. Candor lucis æternæ Sapientia dicitur, quam lucem æternam Patrem esse universa Christianitas profitetur. Quod si forte aliqui putant istam lucem æternam, cujus Sapientia candor est, Patrem accipi non debere, necesse est ut, dñm Deum Patrem lucem æternam denegant, aliam lucem æternam querant, cujus esse candorem Sapientiam evidenter ostendant. Sed ipsi noverint quomodo possint, aut lucem que Deus non sit, aut alteram lucem, præter Sapientiam, que Deo coæterna sit, invenire. Cognoscatur ergo lux esse Pater luminis, ut saltem sic Filius Patri non dubitetur vel negetur æqualis. Uno jam testimonio Deum Patrem lucem esse docuimus, melius est si id ipsum apostolica quoque prædicatione monstremus. Beatus Paulus filiis Dei nos testatur, dicens: *Quicunque Spiritu Dei aguntur, hi filii sunt Dei: non enim accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba, Pater. Ipse Spiritus testimonium reddit spiritui nostro quod sumus filii Dei* (Rom. viii, 14, 15, 16). Joannes etiam evangelista dicit: *Quotquot autem b crediderunt in eum, dedit eis potestatem filios Dei fieri* (Joan. i, 12). Ut igitur Paulus Deum, cuius filii sumus, lucem esse monstraret, eosdem filios lucis quoque filios appellavit, ita dicens: *Vos autem fratres non estis in tenebris, ut vos dies ille, tanquam sur, comprehendat; omnes enim vos filii lucis estis, et filii diei* (I Thess. v, 45). Et Filius ad discipulos: *Ut sitis filii Patris vestri, qui in cœlis est* (Matth. v, 45). Ipsum vero Filius lucem esse nullius poterit abnegare, de quo evangelista dicit: *Erat lux vera quæ illuminat omnem hominem venientem in hunc mundum* (Joan. i, 9). Et rursus: *Et vita erat lux hominum, et lux in tenebris lucet, et tenebrae eam non comprehendenterunt* (Ibid., 5). Ipse quoque Filius lucem se esse propria voce testatur: *Ego sum (inquietus) lux mundi* (Joan. viii, 12). Ut autem agnoscatur Pater in Filio, lumen in lumine esse, in Joannis testimonio perdocetur, qui ait: *Deus lux est, et tenebrae in eo*

^a Ms. Corb., caritatis.

^b Ms. Corb., receperunt eum.

non sunt ullæ : atque subjunxit : Si in lumine ambulemus, sicut et ipse est in lumine, societatem habemus ad innicem (I Joan. 1, 5, 7). Quod ut se de Pater dixisse monstraret, adjunxit : Et sanguis Jesu Filii ejus mundat nos ab omni peccato (Ibid., 7). Patrem, quem lucem dixit, in lumine esse asseruit : Quid ergo istud est lumen, nisi lumen verum, quod illuminat omnem hominem venientem in hunc mundum (Joan. 1, 9)? Ostensum est igitur Patrem esse lumen, sicut est Filius lumen ; demonstratur etiam Filius dies sicut et Pater est dies, propheta dicente : Evangelizate de die in diem salutare ejus (Psal. xcvi, 2). Quapropter agnoscatur Pater esse in Filio lumine, et Filius in Patre lumine, ipso de se lumine protestante : Ego in Patre, et Pater in me (Joan. xiv, 12) ; tanquam diceret : Ego in lumine, et lumen in me. Et ubi non invenitur diversitas luminis, non negetur æqualitas deitatis : ne dum Deus lux esse apostolica prædicatione dicitur, filie qui lumen esse non dicitur Deus etiam esse (quod nefas est) abnegetur.

Objecio 7. Omisimus (al. Admisimus, vel amisisimus) superfluas rationes, quæ fastidium non facerent 62 auditoribus, et ad hoc responsum est, ad quod sententia inquirebat expositionem. Et quia inter Patrem et Filium distantia est, et quod dicitur non est, eo quod inter illos differentia non sit, ipse Salvator dicit, qui credendus est : Alius est qui testimonium perhibet de me (Joan. v, 32). Item ipse Filius dicit de Spiritu sancto : Et alium Paracletum mittam vobis (Joan. xiv, 16). Alium dixit Patrem, et alium dixit esse Paracletum, et cum non advertuntur divina jura et sacramenta, efficiuntur homines pagani-tatis professores, cum asserunt Patrem et Filium et Spiritum sanctum unum esse Deum.

Responsio. Vera fides nunquam superfluas, sed rectas semper habet et habuit rationes, nec ex his aliquod fastidium nascitur, si modo absque contentionis studio veritas audiatur, quæ ob hoc alium dixit Patrem, ut personas discerneret, non ut substantiam distantiam demonstraret : nam cum alium dixit, ostendit se propriam habere personam; Patrem vero nominans, demonstravit se unam cum eo habere substantiam, hoc modo : si enim Pater, qui testimonium perhibet Filio vere aliis est, ut utriusque persona discernatur, vere et Pater est, ut substantialis unitas demonstretur. Quod si vera est paternitas Patris, vera est etiam nativitas prolis; et si est Filii vera nativitas, inter Patrem Filiumque substantialis non potest esse diversitas. Vera enim et æterna substantia, de qua vera nativitas existit, sicut generando minui dividique non potuit, ita in se tota permanens totam se coæternæ veritati nativitatis induxit, ut scilicet gignentis genitique non solum æqualitas absque diversitate considereret, sed etiam sine confusione detrimentoque naturalis unitas permaneret. Divine quippe nativitatis, et nomen, et veritas sicut

A *discreta[m] monstrat gignentis genitique personam, sic diversam non sinit putari substantiam. Alius ergo propterea dictus est Pater, ut generationis veritas monstraretur, non ut putaretur aut prior aut potior : nam si potiorem accipere debemus quem audimus, alium dici, compellimur etiam Paracletum Spiritum, pro eo quod alias dictus est, potiorem Filio confiteri : sicut enim Patrem alium Filius dixit, ita Paracletum alium nuncupavit. Si placet igitur, et hoc fidei veritas exigit, ut melior putetur qui alias dicitur, quoniam Pater alias est dictus, et alias Paracletus, ex hoc jam Filius subjiciatur ambobus, ut saltem sic Paracletus coæquetur Patri, qui pro eo quod alias nuncupatus est, Filio dicitur anteponi ; ut hujus communione pronominis, in Patre et Paracleto demonstretur communio deitatis; si autem Paracletus, licet alias dicatur, tamen Filio non preferatur, nec Pater ideo præferendum est Filio, quia alias dicitur : hoc enim pronomine, personarum ostenditur discrecio, non naturæ. Denique ne fidei ambiguitate veritatis regulam deserentes, per devios circumferamur errores, ipse Dominus nobis, et unam se cum Patre retinere substantiam, et alteram se demonstravit habere personam, dicens in Evangelio : Ego et Pater unus sumus (Joan. x, 30). Quod dictum, bi qui divinæ unitatis in Patre et Filio significationem tenuare contendunt, non ad substantialem unitatem, sed ad voluntatis student referre concordiam. Quod si sic Dominus vellet intelligi, posset dicere : Ego et Pater unus volumus; non, Ego et Pater unus sumus. Sed C nunc eligat quisque quod velit; utrum in Deo 63 aliud putet esse et aliud velle; an hoc credit esse quod velle, ut ei possit hujus dicti dominici manifestius veritas apparere. Si enim aliam dixerit in Deo voluntatem, quæ velle dicitur, et aliam essentiam, quæ esse cognoscitur, ad voluntatem referri non potest, quod secundum essentiam dictum est : Ego et Pater unus sumus. Esse enim ab essentia dicitur; si autem hoc in Deo (sicut certum est) putatur esse quod velle, dum voluntatis unitas asseritur, substantialis etiam unitas non negetur, ut et in eo quod dixit unus agnoscatur non aliud esse quam Pater est, et in eo quod dixit sumus agnoscatur non ipse Filius esse qui Pater est. Hanc Patres nostri per omnia Christi sectati doctrinam, unius esse substantiam D Patrem Filiumque dixerunt. Quod Græce Homousion dictum est, illa scilicet ratione quoniam in Græcia nova tunc emerserat hæresis, quæ unigenitum separare nitebatur a substantia genitoris; ad hoc ut quisquis illam doctrinam reciperet, non creatoris cultor, sed creature potius appareret. Mirum autem est quod in hoc nomine sonus tantum a quibusdam attenditur, nec dicti intelligentia investigatur, cum pleraque non sint antiquitus dicta, et pro temporum causarumque opportunitatibus professioni fidei reperiantur inserta. Sicut ingenitus Pater, nusquam in Scripturis canonice legitur, et tamen secundum fidem veritatem ingenitus prædicatur : aduersus Sabellium scilicet qui Patrem Filiumque non communione substantiae unum intelligit, sed personali singularitate*

confundit. Quod si sonus, non sensus consideratur in verbis, non censeatur Ecclesia nomine catholico, quod nec in Veteri nec in Novo reperitur positum Testamento. Si vero haec omnia, cum in nullo sint canonico volumine, digne tamen tenentur in fide, cur nobis in Homousion putetur prohibendum, non sonum dicti considerare, sed sensum; nec attendere novitatem verbi, sed virtutem intelligere sacramenti? Mirum est autem eos qui pro unius substantiae credulitate volunt nos homousianos dici, quomodo se nolunt Triusianos pro tribus et diversis substantiis appellari; quamvis etsi tali nomine censeret suavit, hoc eos tamen esse qualitas suae credulitatis ostendat. Digne itaque Patrem et Filium, et Spiritum sanctum, personarum proprietate servata, unum colimus Deum; quoniam fides vera, nec tres deos recipit, quod faciunt pagani multicoke, nec Deum suum creatum asserit, quod cultores praedican creature.

Objectio 8. Scelus et valde esse blasphemum advertant homines, qui salutaria præcepta cupiunt sectari: nam falsitas professionis nunquam prodesse eis poterit, qui querunt^a injuriando Deum per blasphemiam colere vel venerari. Si ab hominibus non toleratur injuria, ab ipso Domino auctore qualiter poterit tolerari? Ostendit enim circa infideles suam objurgationem, dicendo: *Populus hic labiis me honorat, cor autem eorum longe est a me* (*Iessi. xxix, 13*).

Responsio. Apostolica fides Deum non injuriat, sed honorat, quæ divinam substantiam nec minorari potuisse asserit nec mutari; et ideo Filium aequalē Patri prædicat, quoniam una utriusque substantia **64** perfectionis suæ plenitudinem in utroque conservat. Tunc ergo Deo infertur injury, quando per diversitatem divinitatis cum creatore colitur creatura; cum creationis nomen in eo sit tantum accipendum in Filio, quod pro redemptione hominum ex hominibus factus est homo. Spiritum quoque sanctum, si creaturam Dominus vellet intelligi, nunquam præciperet sibi et Patri in sacramento baptismatis copulari, dicens: *Ite, doceite omnes gentes, baptizantes (al. baptizate) eos in nomine Patris et Filii, et Spiritus sancti* (*Math. xxviii, 19*).

Objectio 9. De generatione autem ejus quod dictum est: *Ex utero ante luciferum genui te* (*Psalm. cix, 3*), quis dubitet de carnali nativitate suis dictum? cum ipsa ante scriptio ostendat tibi ad intelligentem quod dicit propheta, quod in *splendoribus sanctorum ante luciferum* genitus sit. Et *splendor sanctorum* (*Ibid.*) preconium ostenditur esse prophetarum, et eorum vaticinatio de eo suis adimpta ut manifestaret ipsam esse et propheta dicendo: *Ex utero ante luciferum genui te*, et splendidum contigit, quod per virginem nasci eum os propheticum ante dixit. Quis dubitet hanc nativitatem ita contigisse ut Scriptura memorat?

Responsio. Multum fallitur qui hujus Scripturæ locum divinæ nativitati non credit convenire, et audiens

A Deum dixisse: *Ex utero ante luciferum genui te*, quia in Deo carnalis uterus non potest credi, estimet hujus loci sensum ei tantummodo generationi quæ secundum carnem est coaptandum, cum precedens versus divinæ magis intellectum generationis insinuet, quo Pater dicit ad Filium: *Tecum principium* (*Ibid.*), ut agnoscatur Patrem et Filium unum esse principium. Nomen vero *uteri* translato vocabulo dictum est, quo ipsa divina significaretur natura; sicut corporalibus nominibus incorporalis substantia Dei assolet nominari, ut sensus hominum **b** consuevit naturæ suæ vocabulis ad intelligentiam divinitatis possit adduci. Dicuntur enim oculi Dei omnia videre, sicut scriptum est, *In omni loco oculi Dei speculantur bonos et malos* (*Prov. xv, 3*). Quis autem dubitet ita Deum per naturam suam totum videre, sicut eum per naturæ infinitatem omnia fatemur implere? Sed et diversa corporalium membrorum vocabula ob hoc in Deo invenimus (ut dictum est) nominari, ut per harum rerum efficientias substantiae ipsius incorporalis proprietas possit intelligi. Sic ergo et hic se dixit *ex utero* Filium genuisse, ut quem audiimus ex utero genitum, a natura Patris nullus estimet alienum. Quod autem *ante luciferum* dixit, ostendit Filii nativitatem perpetuam initio temporali non esse subjectam: Lucifer enim stellaræ vocabulum eat, et in initio mundi, cum Deus luminaria et sidera condidisset, jussit ea esse in dies, et menses, et tempora, et annos (*Gen. i, 14*), quibus nominum circulis tempus omne revolvitur. *In splendoribus autem sanctorum*, non recte intellecta sunt vaticinia prophetarum: splendor enim sanctorum non in officio prædicationis, sed in resurrectionis claritate consistit; de quo splendore Dominus dicit: *Tunc justi fulgebunt sicut sol in regno Patris sui* (*Math. xiii, 43*). Hunc splendorem futuræ resurrectionis his verbis etiam Daniel propheta commemorat: *Et multi dormientium in terra fossura, in operatione exsurgent, hinc vitam æternam*, **65** *et hi in opprobrium et confusione perpetuam: et intelligentes splendebunt, ut splendor firmamenti, et ex justis multi, sicut stellæ in scutula* (*Dan. xii, 2*); hic autem splendor tunc sanctis a Domino tribuetur, quando secundum Apostoli dictum, *reformabit corpus humilitatis nostræ, conforme corpori claritatis suæ* (*Philip. iii, 21*). In hoc ergo

D splendore tunc integre sancti intelligent Patrem et Filium unum principium esse; nec a se invicem, vel substantia, vel maiestate distare. Licet ergo confitemur Filium secundum carnem ex utero Virginis procreat, non tamen ambigimus de utero Patris, id est de Patris substantia genitum, imo sic confitemur Filium de **c** utero Dei verum Deum natum esse, sicut de Virginis utero verum non dubitamus hominem processisse, ne (quod absit) si de matris substantia verus homo natus credatur, et verus Deus de Patris substantia denegetur, potior estimetur humana natura quæ id quod est procreare potuit quam divina substantia, quæ verum Deum generare non valuit.

^a Ms. Corb., *ad injuriandum Deum.* ^b Ms. Corb., *consuetudinis.* ^c Ms. Corb., *de vero Deo.*

Objectio 10. Non est minimum (al. nimis) dedecus, ut fraudibus propriis decipiatur male intelligentia animus, ut aliquando duo dicanter esse unus, aliquando tres unus. Nunquid non occurrit beneficium, quando unus non est cum duobus designatus? Ludibrium est credere ex tribus partibus Deum unum constare, cum adhuc (quod peius est) dicitur de eis quod sic eredendus est unus Deus, cum non sit ipse Pater qui Filius, non ipse Filius qui Spiritus sanctus; de quibus proficiuntur differentias inter se habere, honorem vero unusquisque suum non posse habere, nisi malignum peccatum eos in uno Deo inventari copulare.

Responsio. Nullis fraudibus, aut propriis aut alienis, decipiatur qui Deum unum sic colit, ut in Trinitate noverit, nec personas confundere, nec substantiam separare. Et illam unam naturam unum Deum intelligit, in qua eternitatem vere divinitatis agnoscit; dicitur enim nobis: *Audi, Israel, Dominus Deus tuus, Dominus unus es* (Deut. vi, 4). Item: *Dominum Deum tuum adorabis, et illi soli servies* (Ibid., 13). Quod si Deminum Deum solum Patrem accipere debemus, Filio ergo nec ut Deo serviamus, nec eum adoremus, quidquid enim ad natum Domini Dei solius non pertinet ut Deus a nobis adorari non debet. Quid autem dictari sumus de Filio, quem in consilio angelorumque virtutes adorant semper et laudent, intantum ut etiam in forma servi positum, et propter passionem mortis paulo minus ab angelis minoratum, adorare angeli jubantur, Moysae dicente: *Lestamini, caeli, simul cum eo, et adorare eum omnes angeloi Dei* (Psalm. xcvi, 8). ^a Homines quoque hunc adorationi David divinitus inspiratus, adjungens, ait: *Adorabunt eum omnes reges terrae, omnes gentes servient (al. servient) ei* (Psalm. lxxi, 11). Quomodo ergo et ab hominibus et ab angelis adoratur, si ab unius Dei substantia separatur? Quomodo illi servitatem quae Deo tantum debetur audemus exhibere, si una non est illi natura cum Patre? Nam quia unus est Deus, ita nobis **¶** dicitur per prophetam: *Ego Deus, et non est alius praeter me: justus et salvans, et non est alius praeter me: convertimini ad me, et salvi eritis, quia ab extremo terrae ego sum Deus, et non est alius*. Per memetipsum juro, quoniam exhibet (al. exivit) ex ore meo justitia, et verba mea non avertentur: mihi enim inclinabit (al. inclinavit) universitas genu, et jurabit (al. juravit) omnis lingua per Deum (Isai. xlv, 21, et seq.). Ecce Deus, qui in hoc loco se tantum dicens Deum, praeter se aliquo non esse testatur. Quod si quisquam omnem hic noluerit Trinitatem accipere, cogetur hanc vocem soli Filio depulare. Quis enim Deus praeter quem aliud non est nisi ille cui Isaia dicit: *Laboravit Agyptus, et mercatus Aethiopum et Sabaim* (al. Saba) *viri excelsi ad te transibunt, tui erunt servi, et post te sequentur alligati vinculis, et adorabunt te, et in te deprecabuntur, quoniam in te est Deus, et non est Deus praeter te; tu enim es Deus, et nesciebamus, Deus Israel Salvator*.

^a Ita ms. At ed. habent Hominum quoque adorationem.

Ator. Erubescat et pudebunt omnes qui adversantur ei, et ibunt cum confusione (Ibid., 14, et seq.). Ecce in ipso est Deus, et praeter ipsum non est Deus, et ipse est Deus Israel Salvator. Superius autem is qui dixit: *Ego Deus, et non est alius praeter me, adjunxit: Justus et salvans, non est alius praeter me*. Quis autem justus est, nisi oai David dicit: *Dilexisti iustitiam, et odisti iniquitatem* (Psal. xliv, 8)? Quis vero est salvans, nisi de quo angelus in somnis ad Joseph locutus est, dicens: *Joseph Fili David, noli timere a consipere Mariam conjugem tuam, quod enim in ea natum est, de Spiritu sancto est: pariet autem filium, et vocabis nomen ejus Iesum, ipse enim salvum faciet populum suum a peccatis eorum* (Matthew. i, 20)? Cui vero convenit dicere: *Convertimini ad me, et salvi eritis*, **B**quia ab extremo terrae ego sum Deus, et non est alius (Isai. xlv, 22), nisi Filio? de quo David dicit, Reminiscentur et convertentur ad Dominum universi fines terrae, et adorabunt in conspectu ejus omnes patria gentium (Psal. xxi, 38). Quod ergo sequitur: Per memetipsum (al. metipsum) juro, quis hoc eredendus est dicere, nisi qui hoc modo invenitur Abraham ante jurasse? Hunc autem non Patrem, sed Filium asserunt, qui Filium a Patre secundum divinam naturam, minorem praedicare contendunt. Iste autem Deus, qui per memetipsum jurat, utrum majorem se habeat, Paulus nobis beatus ostendit, qui ad Hebrews scribens, ait: *Abraham namque promittens Deus, quoniam neminem habuit per quem juraret majorem, juravit per memetipsum*, dicens: *Nisi benedicens benedicam te, et multiplicans multiplicabo te* (Hebr. vi, 13). Iste ergo Deus, qui per memetipsum jurat quoniam neminem habet per quem juraret majorem: quid sequitur videamus: *Quoniam exhibet, inquit, ex ore meo justitia, et verba mea non avertentur: mihi enim inclinabit (al. inclinavit) universitas genu, et jurabit (al. juravit) omnis lingua per Deum* (Isai. xlv, 23). De cuius ore ergo exilit justitia, nisi ejus de quo dixit Isaia: *Egredietur virga de radice Jesse, et flos de radice ejus ascendet, et requiescat super eum spiritus Domini* (Isai. xi, 1). Et post paululum: *Judicabit in justitia pauperes, et arguet in aequitate pro mansuetis terram* (al. terrae) (Ibid., 4). Sequitur deinde: *Iste Deus, praeter quem non est alius*, et dicit: *Verba mea non avertentur*. Cujus autem haec **¶** vox est, **D**nisi illius qui in Evangelio dicit, *Caelum et terra transibunt, verba autem mea non transibunt* (Matthew. xxiv, 35)? Item adjungit, Deus iste praeter quem non est alius, et dicit: *Mihi enim inclinabit (al. inelinavit) universitas genu, et jurabit (al. juravit) omnis lingua per Deum*. Hoc autem de quo intelligi debeat, Paulus nobis, magisterio Christi doctus, ostendit, qui scribens ad Romanos sic ait: *Nemo enim nostrum sibi vivit, et nemo sibi moritur. Sive enim vivimus, Domino vivimus: sive morimur, Domine morimur. Sive ergo vivimus, sive morimur, Domini sumus* (Rom. xiv, 7, 8). Et, ut se de Christo dixisse monstraret, adjunxit: *In hoc enim Christus, et mortuus est, et re-*

^b Ma. Corb., accipe.

surrexit, ut mortuorum et vivorum dominetur. Tu autem quid judicas fratrem tuum? aut tu quare spernis fratrem tuum? Omnes enim stabimus ante tribunal Dei [Rom. xiv, 9, 10]? Statimque aoc propheticum subjicit testimonium, dicens: *Scriptum est enim: Vivo ego, sicut Dominus, quoniam mihi flectetur omne genu, et omnis lingua confitebitur Deo* (Isai. xlv, 24). Ante tribunal vero Christi nos astuturos (al. astuturos) ipse denuo testatur, dicens: *Omnes enim nos manifestari oportet ante tribunal Christi, ut recipiat unusquisque propria corporis, prout gessit, sive bonum, sive malum* (II Cor. v, 10). Ipsi quoque omne genu flectendum idem docet apostolus, dicens: *Ut in nomine Iesu omne genu flectatur, caelestium, terrestrium, et infernorum: et omnis lingua confiteatur quia Dominus Jesus Christus in gloria est Dei Patris* (Philip. ii, 10, 11). Jam nunc omnia quae superius dicta sunt denuo consideremus. Dicit Deus: *Ego Deus, et non est aliud praeter me.* Et in persona Filii dicit Isaías: *Quoniam in te est Deus, et praeter te non est Deus; tu enim es Deus, et nesciebamus. Deus Israel Salvator* (Isai. xlv, 15). *Deus autem Israel Deus unus est.* Sequuntur autem cetera que testimonii supradictis ad Filium ostendimus pertinere: ipse enim per semetipsum jurat, neminem habens majorem; ipse populum suum salvat; ipse juste judicat; ipsi flectitur omne genu, caelestium, terrestrium, et infernorum; ipsi omnis lingua confitetur, a quo est retributio reddenda factorum. Ipse ergo, de quo hæc omnia dicuntur, per prophetam dicit: *Ego Deus, et non est aliud praeter me.* Nunquidnam Deum istum, praeter quem aliis non est, ita solum Filium accipimus, ut ab eo Patrem et Spiritum sanctum separemus? Absit: hoc enim impossibile est. Nam praeter Deum Patrem Deus Filius non est, quia de Patre est, et in Patre est. Praeter Patrem et Filium Spiritus sanctus non est, quia Patris et Filii Spiritus est, et in Patre et in Filio est. Unde cognoscitur quoniam ista Trinitas unus Dominus Deus est, de quo dicitur: *Audi, Israel, Dominus Deus tuus, Dominus (al. Deus) unus est* (Deut. vi, 4). Et: *Dominum Deum tuum adorabis, et illi soli*

A servies. Huic Domino etiam Isaías propheta dicit: *Domine, praeter te alium non novimus, nomen tuum nominamus.* Hoc autem nomen Salvator noster ostendit, dicens discipulis suis: *Ite, docete omnes gentes, baptizantes eos in nomine Patris et Filii et Spiritus sancti* (Matth. xxviii, 19). Istud est nomen Domini, praeter quem alium non novimus, et cujus nomine nominato, a morte liberamur, de potestate tenebrarum **68** eruimur, ut in regnum Filii transferamur. In Patre ergo et Filio et Spiritu sancto unitatem substantiae accipimus, personas confundere non audemus. Beatus enim Joannes apostolus testatur, dicens: *Tres sunt qui testimonium perhibent in celo, Pater, Verbum, et Spiritus; et tres unum sunt* (I Joan. v, 7). Quod etiam beatissimus martyr Cyprianus, in epistola de Unitate Ecclesie confitetur, dicens: *Qui pacem Christi et concordiam rumpit, adversus Christum facit; qui alibi praeter Ecclesiam colligit, Christi Ecclesiam spargit.* Atque ut unam Ecclesiam unius Dei esse monstraret, hæc confessim testimonia de Scripturis inseruit. *Dicit Dominus: Ego et Pater unus sumus.* Et iterum: *De Patre et Filio et Spiritu sancto scriptum est: Et tres unum sunt.* Nam et in libro de Oratione dominica, ut ostenderet Trinitatem unius deitatis, esse nec inter se aliquam diversitatem habere, Daniele et tres pueros, ternarum horarum circulis revolutis, orationem fundere solitos memoravit. Ubi et in trium horarum curriculo, et in unius orationis officio, unum Deum esse Trinitatem evidenter ostendit. Non ergo ex tribus partibus unum colimus Deum, sed apostolicæ fidei regulam retinente, perfectum et consempiternum Filium, de perfecto et sempiterno Patre, sine initio genitum, et potestate non imparem, et natura fatemur æqualem. Sanctum quoque Spiritum non aliud fatemur esse quam Deum, nec a Filio nec a Patre diversum, nec in Filio nec in Patre confusum. Unus est enim atque idem Patris et Filii Spiritus, totus de Patre procedens, totus in utroque consistens, nec est divisus in singulis, quia inseparabiliter est utrisque communis.

S. FULGENTII AD TRASIMUNDUM REGEM VANDALORUM LIBRI TRES.

LIBER PRIMUS.

DE MYSTERO MEDIATORIS CHRISTI DUAS NATURAS IN UNA PERSONA RETINENTES.

CAPUT PRIMUM. Liber a rege destinatus Fulgentio. *Responsio Fulgentii ex jussu regis. Fidem noille asserere, est fidem negare. Respondendi necessitas est ex precepto divino.*

69 Triumhalibus tuis sensibus, piissime rex, nequaquam crediderim oblivione (al. oblivioni) sub-

D tractum, quod nuper mihi quoddam volumen, bajulo Felice, præceperis destinari, jubens me illico responderem. Cujus, quia tanta fuit prolixitas, ut egeret aliquanto diutius recenseri, et diurni finis aderat, nocte propinquante, curriculi, vix ejusdem voluminis pri-